

第〇五七冊

方輿彙編

坤輿典

輿圖部

(卷)
七一六

古今圖書集成

中華書局影印



古今圖書集成

中華書局影印

欽定古今圖書集成方輿彙編坤輿典

第七十卷目錄

輿圖部彙考二十八

唐一唐書地理志二

坤輿典第七十卷

輿圖部彙考二十八

唐二

按唐書地理志河南道蓋古豫兗青徐之域漢河南弘農潁川汝南陳留沛泰山濟陰濟南東萊齊山陽東海琅邪北海千乘東郡及梁楚魯東平城陽淮陽菑川高密泗水等國暨平原渤海九江之境洛陝負河而北爲實沈分負河而南號汝許及新鄭之地爲鵠火分鄭汴陳蔡潁爲壽星分宋毫徐宿鄆曹濮爲大火分兗海沂泗爲降婁分青淄密登萊齊棣爲元枵分滑爲姬訾分濠爲星紀分爲府一州二十九縣百九十六其名山三嶠少室砥柱蒙澤嵩高泰岳其大川伊洛汝潁沂泗淮濟厥賦緇綿綿布厥貢絲布葛席埏埴盎缶

東都隋置武德四年廢貞觀六年號洛陽宮顯慶二年日東都光宅元年日神都神龍元年復日東都天寶元年日東京上元二年罷京肅宗元年復爲東都皇城長千八百一十七步廣千三百七十八步周

四千九百三十步其崇三丈七尺曲折以象南宮垣名曰太微城宮城在皇城北長千六百二十步廣八百五十步周四千九百二十一步其崇四丈八尺以象北辰藩衛曰紫微城武后號太初宮上陽宮在禁苑之東東接皇城之西南隅上元中置高宗之季常居以聽政都城前直伊闕後據中山左瀍右澗洛水貫其中以象河漢東西五千六百一十步南北五千四百七十步西連苑北自東城而東二千五百四十步周二萬五千五百步其崇丈有八尺武后號曰金城河南府河南郡本洛州開元元年爲府土貢文綾綉縠絲葛埏埴盎缶荷杞黃精美果華酸棗戶十九萬四千七百四十六口百一十八萬三千九十二縣二十

有府三十九日武定復梁康城柏林巖邑陽樊王陽末嘉邵南慕善政教葦洛伊陽懷音軹城洛汭郝鄆伊川洛泉通谷潁源宜陽金谷王屋成皋夏邑原邑原城鶴臺函谷千秋同軌饒濟溫城具茨寶圖鈞臺承雲軒轅

河南 赤垂拱四年析河南洛陽置永昌縣永昌元年更河南曰合宮長安二年省永昌神龍元年復日河南二年又日合宮唐隆元年復故名有洛漕新潭大足元年開以置租船龍門山東抵天津有伊水石堰天寶十載尹裴迺置有灋水避武宗名曰吉水宣宗立復故名

洛陽 赤天授三年析洛陽永昌置東庭縣長安二年省神龍二年更洛陽曰永昌唐隆一年復故名

偃師 綏天寶七載尹韋濟以北坡道迂自縣東

山下開新道通孝義橋西北有故富平津河陽故關

肇 設有洛口倉

緱氏 大赤貞觀十八年省上元二年復置有恭陵有和陵在太平山本懷來山天祐元年更名東南有轅轅故關

陽城 綏武德四年王世充僞令王雄來降以陽城嵩陽陽翟置嵩州又析三縣地置康成縣貞觀三年州廢省康成萬歲登封元年將封嵩山改陽城曰告成神龍元年復故名二年復爲告成天祐二年更名陽邑有測景臺開元十一年詔太史監南宮說刻石表焉

登封 綏本嵩陽貞觀十七年省入陽城永淳元年營奉天宮分陽城緱氏復置二年省光宅元年復置萬歲登封元年更名神龍元年日嵩陽二年復日登封嵩山有中岳祠有少室山有三陽宮聖曆三年置

陸渾 畿有鳴臯山有漢故關

伊闕 畿北有伊闕故關有陸渾山一名方山

新安 畿義寧二年以縣置新安郡武德元年日穀州以熊州之澠池隸之并析置東垣縣四年省東垣貞觀元年來屬有長石山

澠池 畿貞觀元年徙穀州來治西五里有紫桂宮儀鳳二年置調露二年日避暑宮永淳元年日芳桂宮弘道元年廢

福昌 畿本宜陽義寧二年以宜陽澠池永寧置宜陽郡武德元年日熊州三年更宜陽曰富昌因

隋宮爲名四年以洛州之壽安隸之貞觀元年州廢以福昌永寧二縣隸穀州六年徙穀州來治八年以虢州之長水隸之顯慶二年州廢以福昌永寧長水來屬西十七里有蘭昌宮有故隋福昌宮顯慶三年復置有女几山

長水 緄本長淵隸弘農郡義寧元年更名武德元年隸虢州貞觀八年隸穀州顯慶二年來屬有錫西有高門關松陽故關鵝鵲故關

未寧 緄本熊耳義寧二年更名隸宜陽郡武德二年以未寧嶠置函州八年州廢以未寧隸熊州嶠隸陝州西五里有崎岫宮西三十三里有蘭峰宮皆顯慶三年置

壽安 緄初隸穀州貞觀九年來屬西一十九里有連昌宮顯慶三年置西南四十里萬安山有興泰宮長安四年置并析置興泰縣神龍元年省有錦屏山武后所名

密 緄武德三年以縣置密州并置零水洧源二縣四年州廢省零水洧源以密隸鄭州龍朔二年來屬有羽山

河清 緄本大基武德二年置隸懷州八年省咸亨四年析河南洛陽新安王屋濟源河陽復置并置柏崖縣尋省柏崖先天元年更名會昌三年隸孟州尋還屬後廢咸通中復置有柏崖倉

潁陽 緄本武林載初元年析河南伊闕嵩陽置開元十五年更名西北有大谷故關倚箔山有鍾乳貞觀七年采

伊陽 緄先天元年析陸渾置有太和山有銀銅

錫伊水有金

王屋 緄元德元年更名邵伯隸邵州貞觀元年州廢隸懷州顯慶二年復故名來屬有王屋山

汝州臨汝郡雄本伊州襄城郡貞觀八年更州名天寶元年更郡名土貢緇戶六萬九千三百七十四口二十七萬三千七百五十六縣七 有府四曰龍興魯陽梁川郟城

梁 望本承休又有梁縣在西南四十五里貞觀元年省梁更承休曰梁西南五十里有溫湯可以熟米又有黃女湯高宗置溫泉頓有石樓山永仁山

郟城 繁

魯山 上王世充置魯州武德四年廢俄以魯山嶺陽復置魯州貞觀九年州廢省嶺陽以魯山來屬有堯山有銀有漢故關

葉 繁本隸許州武德四年以縣置葉州五年州廢隸北豐州貞觀八年隸魯州州廢隸許州開元二年以葉襄城及唐州之方城豫州之西平許州之舞陽置仙州二十六年州廢縣還故屬未幾以

葉來屬大曆四年復以葉襄城置仙州又析置仙苑縣以許州之舞陽蔡州之西平唐州之方城隸之五年州廢省仙苑餘縣皆還故屬有黃城山白石山

襄城 望武德元年以縣置汝州并置汝墳期城二縣貞觀元年州廢省汝墳期城以襄城隸許州開元二十七年來屬二十八年還隸許州天寶七載復來屬

龍興 上本湍陽武德四年置貞觀元年省證聖元年析陝城魯山復置曰武興神龍元年更名中興尋又更名

臨汝 上先天元年置有消暑宮在鳴臯山南貞觀中置

右都畿採訪使治東都城內

陝州陝郡大都督府雄本弘農郡義寧元年置武德元年曰陝州三年兼置南韓州四年廢南韓州天寶元年更郡名天祐元年爲興唐府縣次緄赤哀帝初復故土貢鮮麥栝栢實戶三萬九百五十八口十七萬二百三十八縣六 府十五曰曹陽崇樂華望安城桃林夏臺萬歲安戎河北忠孝上陽底柱夏川望陝古亭

陝 望有大陽故關即茅津一曰陝津貞觀十一年造浮梁有南北利人渠南渠貞觀十一年太宗東幸使武侯將軍丘行恭開有陝城宮有廣濟渠武德元年陝東道大行臺金部郎中長孫操所開引水入城以代井汲有太原倉有峴山

峽石 上本嶠義寧二年省武德元年復置貞觀十四年移治峽石塢因更名有底柱山山有三門河所經太宗勒銘有繡嶺宮顯慶三年置東有神雀臺天寶一年以赤雀見置

靈寶 望本桃林義寧元年隸號郡武德元年來屬天寶元年獲寶符於縣南古函谷關因更名有涇津義寧元年置關貞觀元年廢關置津有桃源宮武德元年置 夏 望本隸虞州貞觀十七年隸絳州大足元年

來屬尋還隸絳州乾元三年復來屬

平陸 望本河北隸蒲州貞觀元年來屬天寶元年太守李齊物開三門以利漕運得古刃有篆文曰平陸因更名三門西有鹽倉東有集津倉有瑟瑟穴有銀穴三十四銅穴四十八在覆釜三維五岡分雲等山

號州弘農郡雄本號郡治盧氏義寧元年析隋弘農郡三縣置貞觀八年徙治弘農天寶元年更郡名土貢絁瓦硯磨地骨皮梨戶二萬八千二百四十九口八萬八千八百四十五縣六 有府四曰鼎湖全節金明開方

弘農 緊本隋弘農郡義寧元年曰鳳林領弘農閿鄉湖城武德元年曰鼎州因鼎湖為名貞觀八年州廢縣皆來屬神龍初避孝敬皇帝諱曰恆農開元十六年復故名南七里渠貞觀元年令元伯武引水北流入城

閿鄉 望貞觀元年來屬有潼關大谷關武德二年廢有鳳陵關貞觀元年廢有軒遊宮故隋別院宮咸亨五年更名

湖城 望義寧元年置乾元三年更名天平大曆四年復舊有故隋上陽宮貞觀初置咸亨元年廢縣東故道濱河不井汲馬多渴死天寶八載館驛使御史中丞宋渾開新路自稠桑西由晉王斜有熊耳山覆釜山一名荆山

朱陽 上龍朔元年隸商州萬歲通天二年隸洛州後來屬有鐵

玉城 上義寧元年置

盧氏 上武德元年置南有朱陽關武德八年廢滑州靈昌郡望本東郡天寶元年更名土貢方紋綾紗絹薦席酸棗人戶七萬一千九百八十三口四十二萬二千七百九縣七 有宣義軍大曆七年置本永平十四年徙屯蔡州興元元年復還貞元元年曰義成軍光啓二年更名

白馬 望

衛南 緊

匡城 望有長垣縣貞觀八年省

韋城 望王世充置燕州偽刺史單宗來降復為縣

昨城 緊武德二年置昨州并置南燕縣四年州廢省南燕以昨城來屬

酸棗 望本隸東梁州武德三年析酸棗昨城置守節縣四年省貞觀八年州廢來屬

靈昌 緊王世充置興州世充平廢

鄭州 緊武德四年置治虎牢城貞觀七年徙治管城土貢絹龍紗戶七萬六千六百九十四口三十六萬七千八百八十一縣七

管城 望武德四年以管城中牟原武陽武新鄭置管州并置須水清池二縣貞觀元年州廢省須

水清池以管城原武陽武新鄭來屬有僕射陂後魏孝文帝賜僕射李冲因為名天寶六載更名

廣仁池禁漁採

榮陽 上天授二年析置武泰縣隸洛州尋省更

榮陽曰泰武萬歲通天元年復為榮陽又別置武泰縣二年省更榮陽曰武泰神龍元年復故名二

年來屬

崇澤 望

原武 緊本原陵唐初更名復漢舊

陽武 望本原武城武德四年置

新鄭 望

中牟 緊本圃田武德三年更名以縣置牟州四年州廢隸管州貞觀元年隸汴州龍朔二年來屬

潁州汝陰郡上本信州武德四年置六年更名土貢絁綿精白魚戶三萬七百七口二十萬二千八百九十縣四

汝陰 緊武德初有永安高唐永樂清丘潁陽等縣六年省永安高唐永樂貞觀元年省清丘潁陽皆入汝陰南三十五里有叔陂塘引澗水溉田二百頃永徽中刺史柳寶積修

潁上 上

下蔡 上武德四年置渦州八年州廢西北百二十里有大崇陂八十里有雞陂六十里有黃陂東北八十里有湄陂皆隋末廢唐復之溉田數百頃

沈丘 中本鄭州領沈丘宛丘唐初州廢以宛丘隸陳州沈丘來屬後省沈丘入汝陰神龍二年復

置

許州潁川郡望土貢絹薦席柿戶七萬二千三百四十七口四十八萬七千八百六十四縣九

長社 望本潁川隸汴州武德四年更名來屬州

又領黃臺潁強二縣貞觀元年省入焉繞州郭有堤塘百八十里節度使高瑀立以溉田

長葛 緊有小徑山

陽翟 本畿初隸嵩州貞觀元年來屬龍朔二年
隸洛州會昌三年復來屬有具茨山

許昌 上

鄆陵 上

扶溝 望武德四年以縣置北陳州是年州廢隸

洧州

臨潁 上貞觀元年省繁昌縣入焉有講武臺本
尚書臺馬融講書之地顯慶二年高宗大閱於此
更名

舞陽 上本北舞隸道州貞觀元年來屬尋廢開
元四年復置更名有鐵

鄆城 望武德四年以鄆城邵陵北舞西平置道
州貞觀元年州廢省邵陵西平入鄆城隸蔡州建

中二年以鄆城臨潁陳州之潁水置潁州貞元二

年州廢縣還故屬元和十二年復以鄆城上蔡西

平遂平置潁州長慶元年州廢縣還隸蔡州是年

以鄆城來屬

陳州淮陽郡上土貢絹戶六萬六千四百四十二口

四十萬二千四百八十六縣六 有忠武軍貞元元

年置於許州天復元年徙屯

宛丘 緊武德元年析置新平縣八年省

太康 緊貞觀元年省扶樂縣入焉

項城 上武德四年置以項城鄆陽南頓潁水置

沈州并置潁東縣貞觀元年州廢省潁東入項城

以潁水來屬

潁水 上建中二年隸潁州興元二年州廢來屬
南頓 上武德六年省入項城壽聖元年復置曰

光武以縣有光武祠名景雲元年復故名

西華 上武德元年更名箕城貞觀元年省入宛

丘長壽元年復置曰武城神龍元年又曰箕城景

雲元年復故名有鄧門廢破神龍中令張餘慶復

開引潁水溉田

蔡州汝南郡緊本豫州寶應元年更名土貢珉玉基

子四窠雲花龜甲雙距溪鶯等綾戶八萬七千六十

一口四十六萬二百五縣十

汝陽 緊貞元七年析汝陽朗山上蔡吳房置汝

南縣元和十三年省

朗山 上本隸北朗州貞觀元年隸蔡州

遂平 上本吳房貞觀元年省八年復置元和十

二年更名權隸唐州長慶元年復來屬

上蔡 緊

新蔡 中武德四年以新蔡褒信舒城置舒州貞

觀元年州廢省舒城入沈丘

褒信 中天祐中更曰包平

新息 上武德四年以縣置息州并置淮川長陵

二縣貞觀元年州廢省淮川入真陽長陵入褒信

以新息來屬有珉玉坑歲出貢玉西北五十里有

隋故玉梁渠開元中令薛務增濬溉田三千餘頃

真陽 上載初元年曰淮陽神龍元年復故名

平輿 中王世充置輿州武德七年州廢貞觀元

年省入新蔡天授二年復置
西平 上武德初置貞觀元年省天授二年分鄆
城復置尋又廢開元四年復置
汴州陳留郡雄武德四年以鄭州之浚儀開封滑州

之封丘置土貢絹戶十萬九千八百七十六口五十
七萬七千五百七縣六 有宣武軍建中二年置於
宋州興元元年徙屯

浚儀 望故縣陷李密縣民王要漢率豪族置縣

自爲今高祖因之復置汴州并置小黃新里二縣

貞觀元年省二縣

開封 望貞觀元年省入浚儀延和元年析浚儀

尉氏復置有湛梁載初元年引汴注白溝以通曹

充賦租有福源池本蓬池天寶六載更名禁漁採

尉氏 望本隸潁川郡王世充置尉州武德四年

廢以尉氏扶溝鄆陵置洧州并置康陰新汲宛陵

歸化四縣貞觀元年州廢省康陰宛陵新汲歸化

以扶溝鄆陵隸許州尉氏來屬

封丘 緊

雍丘 望本隸梁郡武德四年以雍丘陳留圍城

襄邑外黃濟陽置杞州貞觀元年州廢省濟陽圍

城外黃以襄邑隸宋州雍丘陳留來屬

陳留 緊武德四年置有觀省陵貞觀十年冬劉

雅決水溉田百頃

宋州睢陽郡望本梁郡天寶元年更名土貢絹戶十

二萬四千二百六十八口八十九萬七千四十一縣

宋城 望

襄邑 望本隸杞州貞觀九年來屬

寧陵 緊

下邑 上
穀熟 上隋末縣民劉繼叔據之武德二年置南

穀州授以刺史四年州廢

楚丘 緊

柘城 緊貞觀元年省入寧陵穀熟永淳元年復

置

碭山 上光化二年朱全忠以碭山虞城單父曹

州之成武表置輝州二年置崇德軍

單父 緊光化三年徙輝州來治

虞城 上武德四年置東虞州五年州廢

亳州譙郡望本譙州貞觀八年更名土貢絹戶八萬

八千九百六十口六十七萬五千一百二十一縣七

譙 緊

鄧 上本隸沛郡武德四年來屬

城父 上王世充置成州世充平廢武德三年於

魯丘堡置文州并置樂城縣四年州廢爲文城縣

七年省入城父天祐二年更名焦夷

鹿邑 上大業十三年縣民田黑社盜據號渦州

武德三年來降復爲縣

眞源 望本谷陽乾封元年更名載初元年曰仙

源神龍元年復曰眞源有老子祠天寶二年曰太

清宮又有洞霄宮先天太后祠也

永城 上

蒙城 上本山桑天寶元年更名

徐州彭城郡緊土貢雙絲綾絹綿紬布刀錯紫石戶

六萬五千一百七十口四十七萬八千六百七十六

縣七

彭城 望秋丘冶有鐵

蕭 上

豐 上

沛 上武德五年置

滕 上

宿遷 上本宿預隸泗州寶應元年更名來屬

下邳 上武德四年以下邳鄭良城置邳州貞觀

元年州廢省鄭良城以下邳隸泗州又省泗州之

淮陽入焉元和四年來屬

泗州臨淮郡上本下邳郡治宿預開元二十三年徙

治臨淮天寶元年更郡名土貢錦貨布戶三萬七千

五百二十六口二十萬五千九百五十九縣四

臨淮 緊長安四年析徐城置

漣水 上武德四年以縣置漣州并置金城縣貞

觀元年州廢省金城以漣水來屬總章元年隸楚

州咸亨五年復故有新漕渠南逼淮垂拱四年開

以通海沂密等州

盱眙 緊武德四年以縣置西楚州八年州廢隸

楚州光宅初曰建中後復故名建中二年來屬有

直河太極元年勅使魏景清引淮水至黃土岡以

通揚州

徐城 中

濠州鍾離郡上濠字初作豪元和三年改從濠土貢

純綿絲布雲母戶二萬一千八百六十四口十三萬

八千三百六十一縣二

鍾離 緊武德七年省塗山縣入焉南有故千人

塘乾封中脩以溉田有塗山

定遠 緊本臨豪武德三年更名

招義 上本化明武德二年析置睢陵縣三年更

化明曰招義四年省睢陵大業末縣民馬簿盜據

號化州後楊益德殺簿自號刺史又置濟陰縣是

年來降貞觀元年廢化州省濟陰

宿州上元和四年析徐州之符離斬泗州之虹置太

和三年州廢七年復置初治虹後徙治符離土貢絹

縣四

符離 武德四年置貞觀元年省徐州之諸陽入

焉有西句山一曰石城東北九十里隋故牌湖

堤灌田五百餘頃顯慶中復脩

虹 中本夏丘武德四年以夏丘穀陽置仁州又

析夏丘置虹及龍亢二縣六年省夏丘貞觀八年

州廢省龍亢以虹隸泗州穀陽隸北譙州有銅有

廣濟新渠開元二十七年採訪使齊幹開自虹至

淮陰北十八里入淮以便漕運既成湍急不可行

遂廢

蕲 上顯慶元年省穀陽入焉

臨渙 緊武德四年以臨渙永城山桑斬置北譙

州貞觀八年增領穀陽十七年州廢以臨渙永城

山桑隸亳州穀陽斬隸徐州元和後來屬

鄆州東平郡緊本治鄆城貞觀八年徙治須昌土貢

絹防風戶八萬三千四十八口五十萬一千五百九

縣九

須昌 望貞觀八年省宿城縣入焉景龍三年復

置宿城縣貞元四年曰東平太和四年曰天平六

年省入須昌

壽張 緊武德四年以縣置壽州并置壽良縣五

年州廢省壽良以壽張來屬有刀梁山

郛城 緊天祐二年曰萬安

鉅野 聖武德四年以縣置麟州五年州廢隸郛州貞觀元年省乘丘縣入焉後隸戴州州廢來屬

盧 緊本濟州武德四年析東平郡置隋曰濟北郡天寶元年更名濟陽郡領盧平陰長清東阿陽穀范六縣又置昌城濟北穀城孝感冀丘美政六縣六年省美政孝感穀城冀丘昌城八年以范隸濮州貞觀元年省濟北天寶十三載郡廢以長清隸濟州以盧平陰東阿陽穀來屬北有磧碣津故關

平陰 緊太和六年省入盧東阿開成二年復置有龍山

東阿 緊陽穀 上

中都 上本平陸隸兗州天寶元年更名貞元十四年來屬

齊州濟南郡上本齊郡天寶元年更名臨淄五載又更名土貢絲葛絹綿防風滑石雲母戶六萬二千四百八十五口三十六萬五千九百七十二縣六

歷城 上有華不注山有鐵

章丘 上武德二年縣民李義滿以縣來降於平陵置譚州并置平陵縣以章丘亭山營城臨邑隸之八年省營城入平陵又領臨濟鄉平貞觀元年州廢以平城亭山章丘臨邑臨濟來屬鄉平隸淄州十七年齊王祐反平陵人不從因更名全節元和十五年省全節入歷城省亭山入章丘有大胡山長白山

臨邑 上元和十三年析德州之安德置歸化縣隸德州太和二年來屬四年省入臨邑北有鹿角故關

臨濟 上武德元年以臨濟鄉平長山高苑滄州之蒲臺置鄒州八年州廢以長山高苑蒲臺隸淄州

長清 中本隸濟州貞觀十七年來屬武德元年析置山荏縣天寶元年曰豐齊元和十年省有牛山西南有四口關武德中廢

禹城 上本祝阿貞觀元年省源陽縣入焉天寶元年更名

曹州濟陰郡上土貢絹綿大蛇栗亭藤戶十萬三千五百二十二口七十一萬六千八百四十八縣六

濟陰 緊武德四年析置蒙澤縣貞觀元年及定陶省入焉

考城 上武德四年以縣置東萊州五年州廢來屬元和十四年權隸宋州尋復故

宛句 上武德四年析置濟陽縣隸杞州貞觀元年省

乘氏 上武德四年置晉陽縣尋省

南華 上本離狐天寶元年更名

成武 緊武德四年以成武及宋州之單父楚丘置戴州并置高鄉鑿城三縣尋省高鄉鑿城入單父貞觀十七年州廢以成武來屬光化二年朱全忠表縣隸輝州

濮州濮陽郡上武德四年置土貢絹大戶五萬七千七百八十二口四十萬六千四百四十八縣五

鄆城 緊武德四年析置永定縣八年省北有靈津關

濮陽 緊武德四年析置昆吾縣八年省

范 上武德二年以縣置范州五年州廢隸濟州貞觀八年來屬

雷澤 上武德四年析置虞城縣八年省

臨濮 緊武德四年析雷澤置并置長城安丘二縣五年省長城安丘

青州北海郡望土貢仙紋綾絲絳紅藍紫草戶七萬三千一百四十八口四十萬二千七百四縣七

益都 望

臨淄 緊武德八年省時水縣入焉

千乘 緊武德二年以千乘博昌壽光置乘州并置新河縣六年省新河八年州廢縣來屬

博昌 上武德八年省樂安安平二縣入焉有靈山

壽光 緊武德二年置

臨朐 上武德五年置八年省般陽縣入焉

北海 緊唐初營丘民汲嗣率鄉人拒賊權置杞州武德二年復為營丘縣是年以北海營丘下密置維州又置連末平壽華池城都東陽寒水營亭維水汶陽膠東華宛昌安城平十三縣六年皆省

八年州廢省營丘下密入北海來屬長安中令寶琰於故營丘城東北穿渠引白浪水曲折三十里以溉田號寶公渠

淄州淄川郡上武德元年析齊州之淄川置土貢防風理石戶四萬二千七百三十七口二十三萬三千

八百二十一縣四

淄川 上武德元年析置長白縣六年省有鐵

長山 上

高苑 上景龍元年析置濟陽縣元和十五年省

南有八會津

鄒平 上武德元年置

登州東牟郡中都督府如意元年以萊州之牟平黃

文登置神龍三年徙治蓬萊土貢貫布水蔥席石器

文蛤牛黃戶二萬二千二百九十八口十萬八千九

縣四 有平海軍亦曰東牟守捉

蓬萊 本黃神龍三年更名有銀山龍山

牟平 中武德四年以牟平黃置牟州六年以登

州之觀陽隸萊州麟德元年析文登復置牟平來

屬有之罘山

文登 武德四年置登州以東萊郡之觀陽隸之

六年析置清陽廓定二縣及州廢省清陽廓定以

文登來屬有成山

黃 中先天元年析蓬萊別置有萊山

萊州東萊郡中土貢貫布水蔥席石器文蛤牛黃戶

二萬六千九百九十八口十七萬一千五百一十六

縣四 有東萊守捉亦曰團結營又有蓬萊鎮丘亦

曰挽疆兵

掖 上貞觀元年省曲城富利曲臺三縣入焉有

東海祠有鹽井二

昌陽 上貞觀元年省盧鄉縣入焉有銀有鐵東

百四十里有黃銀坑貞觀初得之

膠水 中貞觀元年省膠東縣入焉有鹽

即墨 中有馬山中祠山女姑山東南有堰貞觀

十年令仇源築以防淮涉水有鹽

棣州樂安郡上武德四年析滄州之陽信滴河樂陵

厭次置八年州廢縣還隸滄州貞觀十七年復以滄

州之厭次德州之滴河陽信置土貢絹戶三萬九千

一百五十口二十三萬八千一百五十九縣五

厭次 上貞觀元年隸德州

滴河 中貞觀元年隸德州

陽信 望貞觀元年省八年復置

蒲臺 緊本隸淄州貞觀六年省入高苑七年復

置景龍元年來屬

渤海 緊垂拱四年析蒲臺厭次置有鹽

兗州魯郡上都督府土貢鏡花綾雙距綾絹雲母防

風紫石戶八萬七千九百八十七口五十八萬六百

八縣十

瑕丘 上

曲阜 緊貞觀元年省八年復置

乾封 上本博城武德五年以博城梁父羸置東

泰州并置肥城岱二縣貞觀元年州廢省梁父羸

肥城岱入博城來屬乾封元年更名乾封總章元

年又曰博城神龍元年復曰乾封有泰山有東嶽

祠有梁父山亭亭山奕奕山云云山社首山肅然

山石閭山蒿里山

泗水 上

鄒 上有嶧山

任城 緊

龔丘 中

金鄉 望武德四年以金鄉方輿置金州五年州

廢縣隸戴州徙戴州來治仍析金鄉置昌邑縣八

年省昌邑貞觀元年以單父楚丘隸宋州成武隸

曹州鉅野隸鄆州

魚臺 上本方輿寶應元年更名元和十四年權

隸徐州尋復故

萊蕪 中本隸淄州武德六年省入博城長安四

年以廢羸縣復置元和十五年省入乾封太和元

年復置有鐵冶十三有銅冶十八銅坑四有錫西

北十五里有普濟渠開元六年令趙建盛開

海州東海郡上土貢綾楚布紫菜戶二萬八千五百

四十九口十八萬四千九縣四

胸山 上武德四年析州境置龍沮曲陽利城厚

丘新樂五縣六年改新樂曰祝其八年省龍沮曲

陽入胸山利城祝其入懷仁厚丘入沭陽東二十

里有永安堤北接山環城長七里以捍海潮開元

十四年刺史杜令昭築

東海 上武德四年以縣置環州并置青山石城

贛榆三縣八年州廢省青山石城贛榆以東海來

屬

沭陽 中總章元年隸泗州咸亨五年復故

懷仁 中

沂州琅邪郡上土貢紫石鍾乳戶三萬三千五百一

十口十九萬五千七百三十七縣五

臨沂 上武德四年析置蘭山臨沂昌樂三縣六

年皆省

費 上貞觀元年省顯史縣入焉

承 上本蘭陵武德四年以縣置郛州更名別置蘭陵郛城二縣貞觀元年州廢省蘭陵郛城以承來屬有鐵有陂十三畜水溉田皆貞觀以來築

沂水 上武德五年以沂水新泰宮置莒州貞觀八年州廢以莒隸密州沂水新泰來屬有銅有沂山龍山北有穆陵關

新泰 上有蒙山

密州高密郡上土貢貫布海蛤牛黃戶二萬八千二百九十二口十四萬六千五百二十四縣四

諸城 上有鹽

輔唐 上本安丘武德六年省郛城縣入焉乾元二年更名

高密 上武德三年置六年省膠西縣入焉

莒 上有鹽

右河南採訪使治汴州

河東道蓋古冀州之域漢河東太原上黨西河鴈門代郡及鉅鹿常山趙國廣平國之地河中終晉慈隰石太原汾忻潞澤沁遼爲實沈分代雲朔蔚武新風

惠爲大梁分爲府二州十九縣百一十其名山雷首介霍五臺其大川汾沁丹潞厥賦布蘭厥貢布席豹尾熊羆鴈羽

河中府河東郡赤本蒲州上輔義寧元年治桑泉武德三年徙治河東開元八年置中都爲府是年罷都復爲州乾元三年復爲府土貢藍麝扇龍骨棗鳳棲梨戶七萬八百口四十六萬九千二百一十三縣十三

有府三十三曰興樂德義胡壁龍亭清源永和陶城霍山灤水首陽壽貴歸仁長渠虞城通閭寶鼎

鹽海歸淳大陽永安奉信永興右威汾陰甘泉平川安保石門絳化埴道安邑崇義六軍又有耀德軍乾元二年置廣德二年廢

河東 次亦有方醴監汲河以釀武德三年置貞觀十年廢南有風陵關聖曆元年置有歷山

河西 次赤開元八年析河東置尋省乾元三年更同州之朝邑曰河西來屬大曆五年復還同州

析朝邑河東別置有蒲津關一名蒲坂開元十三年鑄八牛牛有一人策之牛下有山皆鐵也夾岸以維浮梁十五年自朝邑徙河濱祠於此

臨晉 次歲本桑泉武德三年析置溫泉縣九年省天寶十三載更名

解 次歲本虞鄉武德元年更名貞觀十七年省以地入虞鄉二十二年復置有鹽池又有女鹽池有紫泉監乾元元年置有銅穴十二

猗氏 次歲有孤山

虞鄉 次歲武德元年別置貞觀二十二年省以地入解天授二年復置北十五里有涑水渠貞觀十七年刺史薛萬徹開自開喜引涑水入臨晉

永樂 次歲武德元年置本隸芮州州廢隸鼎州貞觀八年來屬後又隸虢州神龍元年復故有雷

首山

安邑 次歲義寧元年以安邑虞鄉夏置安邑郡武德元年曰虞州又析置桐鄉縣三年析安邑置興樂縣貞觀元年省十七年州廢省桐鄉入開喜

以安邑解來屬至德二載更安邑曰虞邑乾元元年隸陝州大曆四年復故名元和三年來屬有龍

池宮開元八年置有鹽池與解爲兩池大曆十二年生乳鹽賜名寶應慶靈池有銀鹽

寶鼎 次歲本汾陰義寧元年以汾陰龍門置汾陰郡武德元年曰秦州州廢來屬開元十年獲寶鼎更名有后土祠

襄陵 緊本隸晉州元和十四年隸絳州太和元年來屬

稷山 上本隸絳州唐末來屬有稷山

萬泉 上本隸秦州武德三年析稷山安邑猗氏汾陰龍門置州廢隸絳州大順二年來屬有介山

龍門 次歲武德二年徙秦州來治五年析置萬春縣貞觀十七年州廢省萬春入龍門隸絳州元和初來屬有龍門關有高祖廟貞觀中置北三十

里有瓜谷山堰貞觀十年築東南二十三里石壩渠二十三年縣令長孫恕鑿溉田長沃畝收

十石西二十一里有馬鞍塢渠亦恕所鑿有龍門倉開元二年置

晉州平陽郡望本臨汾郡義寧二年更名土貢蠟燭有平陽院礬官戶六萬四千八百三十六口四十二萬九千二百二十一縣八

有府十六曰神山平陽豐寧襄城安信萬安益昌英臺岳陽仁壽高陽臨汾晉安白澗高華仁德

臨汾 望東北十里有高粱堰武德中引高粱水溉田入百金泊貞觀十三年爲水所壞永徽二年

刺史李寬自東二十五里夏築堰引潞水溉田令陶善鼎復治百金泊亦引潞水溉田乾封二年堰

壞乃西引晉水有姑射山

洪洞 望本楊義寧二年更名武德元年析洪洞

臨汾置西河縣貞觀十七年省入臨汾

神山 中本浮山武德二年析襄陵置東南有羊

角山四年以老子祠更名

岳陽 中東有府城關有鐵

霍邑 上義寧元年以霍邑趙城汾西靈石置霍

山郡武德元年曰呂州貞觀十七年州廢以靈石

隸汾州霍邑趙城汾西來屬有西北鎮霍山祠

趙城 上義寧元年析霍邑置

汾西 中有鐵

冀氏 中

絳州絳郡雄土貢白穀梁米梨蠟燭防風戶八萬

二千二百四口五十一萬七千三百三十一縣七

有府三十三曰新田太平正平武城長社大鄉垣城

涑川絳川蓋松鳳亭延光平原高涼神泉桐鄉萬泉

翼城皮氏董澤零原石池延福永康景山周陽夏臺

古亭崇樂絳邑長平武陽蒲邑

正平 望西有武平故關

太平 緊有大平關貞觀七年置

曲沃 望東北三十五里有新絳渠永徽元年令

崔駟引古堆水溉田百餘頃南十三里有銅

翼城 望義寧元年以翼城絳置翼城郡并置小

鄉縣武德元年曰滄州二年曰北滄州四年州廢

縣皆來屬九年省小鄉入翼城天祐二年更曰滄

川有銅源翔皇錢坊二有滑高山有銅有鐵

絳 望有鐵

聞喜 望武德元年置有銅冶東南二十五里有

沙渠儀鳳二年詔引中條山水於南城下西流經

十六里溉澆陰田

垣 上義寧元年以垣王屋置郃原郡又置清廉

毫城二縣武德元年曰郃州二年置長泉縣是年

以長泉隸懷州後省五年省毫城入垣貞觀元年

州廢省清廉入垣來屬龍朔三年隸洛州長安二

年復舊貞元三年隸陝州元和三年復舊

慈州文城郡下本汾州武德五年曰南汾州貞觀八

年更名土貢白蜜蠟燭戶萬一千六百一十六口六

萬二千四百八十六縣五 有府三曰件城吉昌平

昌

吉昌 中有鐵

文城 中天祐中更曰屈邑有孟門山石鼓山

昌寧 中有鐵

呂香 中本平昌義寧元年析件城置貞觀元年

更名

件城 中有雞山

隰州大寧郡下本龍泉郡天寶元年更名土貢胡女

布蜜蠟燭戶萬九千四百五十五口十二萬四千四

百二十縣六 有府六曰隰川大義孝敬修善玉城

屈產

隰川 中

蒲 中武德二年以縣置昌州并置件城常安昌

原三縣貞觀元年州廢省昌原件城常安以蒲來

屬西南有常安原

大寧 中本件城武德二年更名是年置中州并

置大義白龍二縣貞觀元年州廢省大義白龍以

大寧來屬有孔山西有馬關關

永和 中武德二年置東和州六年析置樓山縣

貞觀二年州廢省樓山以永和來屬西北有永和

關

石樓 中武德二年以縣置西德州并置長壽臨

河二縣貞觀元年州廢省長壽臨河以石樓隸東

和州州廢來屬北有上平津

溫泉 中武德三年置北溫州并置新城高唐二

縣貞觀元年州廢省新城高唐以溫泉來屬有鐵

北都天授元年置神龍元年罷開元十一年復置天

寶元年曰北京上元二年罷肅宗元年復為北都

晉陽宮在都之西北宮城周二千五百二十步崇四

丈八尺都城左汾右晉潛丘在中長四千三百二十

一步廣三千一百二十二步周萬五千一百五十三

步其崇四丈汾東曰東城貞觀十一年長史李勣築

兩城之間有中城武后時築以合東城宮南有大明

城故宮城也宮城東有起義堂倉城中有受瑞壇唐

初高祖使子吉留守獲瑞石有文曰李淵萬吉築

壇祠以少牢

太原府太原郡本并州開元十一年為府土貢銅鏡

鐵鏡馬鞍梨蒲萄酒及煎玉粉屑龍骨柏實人黃石

錦甘草人侵礬石礬石戶十二萬八千九百五十口七

十七萬八千二百七十八縣十三 有府十八曰興

政復化寧靜洞溝五泉昌寧志節汾陽靜智信董晉

原聞陽清定豐川竹馬攘胡西胡又谷城中有天兵

軍開元十一年廢

太原 赤井苦不可飲貞觀中長史李勣架汾引

晉水入東城以甘民食謂之晉渠

晉陽 亦有號令堂高祖誓義師於此西北十五里有講武臺飛閣顯慶五年築有龍山

太谷 鐵武德三年以太谷祁置太州六年州廢二縣來屬東南八十里馬嶺上有長城自平城至於魯口三百里貞觀元年廢

祁 鐵

文水 鐵武德三年隸汾州六年來屬七年又隸汾州貞觀元年復舊天授元年更名武興神龍元年復故名西北二十里有柵城渠貞觀三年民相率引文谷水溉田數百頃西十里有常渠武德二年汾州刺史蕭顗引文水南流入汾州東北五十里有甘泉渠二十五里有蕩少渠二十里有靈長渠有千畝渠俱引文谷水傳溉田數千頃皆開元二年令戴謙所鑿

榆次 鐵

孟 鐵武德三年以孟受陽置受州貞觀元年省并州之烏河縣入焉有銅有鐵東北有白馬故關壽陽 鐵本受陽武德六年徙受州來治又以遼州之石艾樂平隸之貞觀八年州廢縣皆來屬十一年更名有方山

樂平 鐵

廣陽 鐵本石艾天寶元年更名東有井陘故關東北有磐石故關華澤故關

清源 鐵武德元年置

交城 鐵先天二年析置靈川縣開元二年省有鐵

陽曲 鐵本陽直武德三年析置汾陽縣七年省陽直更汾陽曰陽曲仍析置羅陰縣貞觀元年省六年以舊農部落置燕然縣隸順州八年僑治陽曲十七年省有赤塘關天門關

汾州 西河郡望本浩州武德二年更名土貢鞍面龍巖席石青消石戶五萬九千四百五十口三十二萬二百三十縣五 有府十二曰嘉善六壁崇德華夏靈扶五柳京陵介休賈胡寧固開遠清勝

西河 望本隰城肅宗上元元年更名

孝義 望本永安貞觀元年更有隱泉山

介休 望義寧元年以介休平遙置介休郡武德元年曰介州貞觀元年州廢以二縣來屬有雀鼠谷有介山

平遙 望

靈石 上有賈湖堡宋金剛拒唐兵高祖所次西

南有陰地關又有長寧關

沁州 陽城郡下本義寧郡義寧元年置天寶元年更

郡名土貢龍巖席麻戶六千三百八口三萬四千九百六十三縣三 有府二曰延雙安樂

沁源 中武德二年析置招遠縣三年省有樂店

關

和川 中義寧元年析沁源置

綿上 中有鐵

遼州 樂平郡下武德三年析并州之樂平遼山平城石艾置六年徙治遼山八年曰箕州先天元年避元宗名曰儀州中和三年復曰遼州土貢人蓂蟬戶九千八百八十二口五萬四千五百八十縣四 有府

三曰遼城清谷龍城

遼山 中

榆社 中本隸太原郡義寧元年析上黨之鄉置武德元年隸韓州三年以縣及并州之平城置榆州又析置偃武縣六年州廢省偃武以榆社平城來屬

平城 中

和順 中武德三年析置義興縣六年省

嵐州 樓煩郡下本東倉州武德六年更名土貢熊羆麝香戶萬六千七百四十八口八萬四千六縣四

有府一曰嵐山有守捉兵

宜芳 中本嵐城武德四年更名析置豐閭合會二縣五年省豐閭六年省合會

靜樂 中武德四年置管州仍析置汾陽六度以靜樂縣五年曰北管州六年州廢省汾陽六度以靜樂

來屬有天池祠有管涔山北有樓煩關有隋故汾陽宮

合河 中本臨泉武德三年曰臨津四年隸東會州九年省太和縣入焉貞觀元年更名三年復置太和八年又省北有合河關東有蔚汾關

嵐谷 中長安三年析宜芳置神龍二年省開元十二年復置有奇嵐軍永淳二年以奇嵐鎮為柵

長安三年為軍景龍中張仁亶徙其軍於朔方留者號奇嵐守捉隸大同

惠州 下本樓煩監牧嵐州刺史領之貞元十五年別置監牧使龍紀元年李克用表置州領縣三

樓煩 下

元池 下有鐵

天池 下爲馬門關

石州昌化郡下本離石郡天寶元年更名土貢胡女布龍鬚席蜜蠟燭莖莖戶萬四千二百九十四口六萬六千九百三十五縣五 有府二曰離石昌化

離石 中

平夷 中有孝文山

定胡 中武德三年置西定州貞觀二年州廢來屬又析置孟門縣七年省西有孟門關

臨泉 中本太和武德三年更名置北和州別析置太和縣四年以太和隸東會州貞觀三年州廢以臨泉來屬

方山 中武德二年以縣置方州三年州廢來屬忻州定襄郡下本新興郡義寧元年以樓煩郡之秀容置土貢麝香豹尾戶萬四千八百六十八萬二千三十二縣二 有府四曰秀容高城漳源定襄有守捉兵

秀容 上貞觀五年以思結部落於縣境置懷化縣隸順州十二年以懷化隸代州後省有繫舟山有鐵

定襄 上武德四年析秀容置有石嶺關

代州馬門郡中都督府土貢蜜青綠彩麝香豹尾白鵬羽戶二萬一千二百八十口十萬三百五十縣五 有府三曰五臺東治馬門有守捉兵其北有大同軍本大武軍調露二年曰神武軍天授二年曰平狄軍大足元年復更名其西有天安軍天寶十二載置又有代北軍永泰元年置

馬門 上有東陁關西陁關

五臺 中柏谷有銀有銅有鐵有五臺山

繁峙 中

崞 中有石門關

唐林 中本武延證聖元年析五臺崞置唐隆元年更名

雲州雲中郡下都督府貞觀十四年自朔州北定襄城徙治定襄縣永淳元年爲默啜所破徙其民於朔州開元十八年復置土貢犖牛尾鵬羽戶三千一百六十九口七千九百三十縣一 有雲中樓煩二守捉城東有牛皮關

雲中 中本馬邑郡雲內之恆安鎮武德元年置北恆州七年廢貞觀十四年復置曰定襄縣永淳元年廢開元十八年復置更名有陰山道青坡道皆出兵路

朔州馬邑郡下本治善陽建中中節度使馬燧徙治馬邑後復故治土貢白鵬羽豹尾甘草戶五千四百九十三口二萬四千五百三十三縣二

善陽 中武德四年省常寧縣入焉

馬邑 中開元五年析善陽於大同軍城置

蔚州興唐郡下本安邊郡隋馬門郡之靈丘上谷郡之飛狐縣地唐初沒突厥武德六年置州并置靈丘飛狐二縣僑治陽曲七年僑治繁峙八年僑治秀容故北恆州城貞觀五年破突厥復故地還治靈丘開元初徙治安邊至德二載更郡名復故治土貢熊羆豹尾松實戶五千五百二十二口二萬九百五十八縣三 東北有橫野軍乾元元年徙天成軍合之而廢橫

野軍西有清塞軍本清塞守捉城貞元十五年置

靈丘 中有直谷關其北有孔嶺關有大安鎮飛狐 中初僑治易州之遂城遂隸蔚州貞觀五年復故地有三河銅冶有錢官

興唐 中本安邊開元十二年置治橫野軍至德二載更名

武州 領縣一

文德

新州 領縣四

永興

磐山

龍門

懷安

潞州上黨郡大都督府土貢貫布人獲石蜜墨戶六萬八千三百九十一口三十八萬八千六百六十一縣十 有府一曰戡黎

上黨 望有啓聖宮本飛龍元宗故第開元十一年置後又更名有湍關有五龍山馬駒山

壺關 上武德四年析上黨置

長子 緊

屯留 上有三巖山

潞城 上天祐二年更曰潞子

襄垣 上武德元年以襄垣黎城涉銅鞮鄉置韓州貞觀十七年州廢縣皆來屬東有井谷故關

黎城 上天祐二年更曰黎亭有銅山東有壺口

故關

涉 中有鐵

銅鞮 上武德三年析置甲水縣隸韓州九年省
末徽六年隸沁州顯慶四年來屬

武鄉 中本鄉武后更名武鄉神龍元年復故名

尋又曰武鄉北有昂車關

澤州高平郡上本長平郡治濩澤武德八年徙治端

氏貞觀元年徙治晉城天寶元年更郡名土貢人稜

石英野雞戶二萬七千八百二十二口十五萬七千

九十縣六 有府五曰丹川末固安平沁水白濁

晉城 上本丹川武德元年置建州三年析丹川

置晉城以隸之六年州廢隸蓋州徙蓋州來治九

年省丹川蓋城入晉城貞觀元年州廢以晉城高

平陵川來屬天祐二年更曰丹川南有天井關一

名太行關

端氏 中有隗山

陵川 中

陽城 中本濩澤天寶元年更名天祐二年更曰

濩澤有銅有錫有鐵

沁水 中

高平 上本隋長平郡武德元年曰蓋州領高平

丹川陵川三縣并析置蓋城縣以隸之有泫水一

曰丹水貞觀元年令明濟引入城號甘泉有省窺

谷本殺谷元宗幸潞州過之因更名北有長平關

右河東採訪使治蒲州

欽定古今圖書集成方輿彙編坤輿典

第七十一卷目錄

輿圖部彙考二十九

唐二 唐書地理志三



坤輿典第七十一卷

輿圖部彙考二十九

唐三

按唐書地理志河北道蓋古幽冀二州之境漢河內魏渤海清河平原常山上谷涿漁陽右北平遼西眞定中山信都河間廣陽等郡國又參有東郡河東上黨鉅鹿之地孟懷宣衛及魏博相之南境爲飢饉分邢洛惠貝冀深趙鎮定及魏博相之北境爲大梁分滄景德爲元枵分瀛莫幽易涿平嬀檀薊營安東爲析木津分爲州二十九都護府一縣百七十四其名山林虛白鹿封龍井陘碣石常岳其大川漳淇滹沱厥賦絲綿綿厥貢羅綾紬紗鳳翽羣席
孟州望建中二年以河南府之河陽河清濟源溫租賦入河陽三城使又以汜水租賦益之會昌二年遂以五縣爲州土貢黃魚鯉縣五 有河陽軍建中四年置

河陽 望武德四年析懷州之河陽集城溫於河陽宮置盟州八年州廢省集城入河陽溫隸懷州

顯慶二年隸洛州有河陽開有回洛故城有池永徽四年引濟水漲之開元中以畜黃魚
汜水 望本隸鄭州武德四年析置成皋縣貞觀元年省顯慶二年隸洛州垂拱四年曰廣武神龍元年復故名有虎牢關東南有成阜故關西南有旋門故關有牛口渚西一里伏龜山有昭武廟會昌三年置

河陰 望開元二十二年析汜水榮澤武陟置隸河南府領河陰倉會昌三年來屬有梁公堰在河汴間開元二年河南尹李傑因故渠濬之以便漕運

溫 望武德四年隋令周仲隱以縣去王世充來降置平州名縣城曰李城是年州廢隸懷州顯慶二年隸洛州

濟源 望武德二年王世充將丁伯德以縣來降置西濟州又析置洹陽蒸川郡原三縣四年州廢省洹陽蒸川郡原以濟源隸懷州貞觀元年省懷州之軹縣入焉顯慶二年隸洛州有坊口堰太和五年節度使溫造浚古渠溉濟源河內溫武陟田

五千頃有濟瀆祠北海祠西有故軹關
懷州河內郡雄武德二年沒王世充脩治濟源之柏崖城四年世充平還舊治土貢平紗平細枳殼茶牛

膝戶五萬五千三百四十九口三十一萬八千一百二十六縣五 有府二曰丹水吳澤

河內 望武德三年析置太行忠義紫陵三縣析河陽置穀日縣四年皆省有太行山有丹水開元十一年更名懷水

武德 望本安昌武德二年更名是年置北義州四年州廢來屬北百里有大斛故關在太行山
獲嘉 望武德四年以獲嘉武陟脩武新鄉共城置殷州并置博望縣貞觀元年州廢以獲嘉武陟脩武來屬新鄉共城博望隸衛州

武陟 望貞觀元年省懷縣入焉
脩武 緊武德二年河內民李厚德以濁鹿城來降置陟州并置脩武縣四年徙縣治故脩武更脩武曰武陟別置脩武縣是年州廢隸殷州西北二十里有新河自六眞山下合黃母泉水南流入吳澤陂大中年令杜某開

魏州魏郡大都督府雄本武陽郡龍朔二年更名冀州咸亨三年復曰魏州天寶元年更郡名土貢花紬錦紬平紬純絹紫草戶十五萬一千五百九十六口百一十萬九千八百七十三縣十四

貴鄉 望有西渠開元二十八年刺史盧驥徙永濟渠自石灰窰引流至城西注魏橋以通江淮之貨

元城 望貞觀十七年省入貴鄉聖曆二年復置魏 望武德四年置漳陰縣貞觀元年省入焉

館陶 望武德五年以館陶冠氏及博州之堂邑貝州之臨清清水置毛州并析臨清置沙丘縣貞觀元年州廢省清水入冠氏省沙丘入臨清餘縣皆還故屬

冠氏 望
莘 上武德五年以莘臨黃武陽博州之武水置莘州貞觀元年州廢縣還故屬

朝城 緊本武陽貞觀十七年省入臨黃幸末昌元年復置曰武聖開元七年更名元和中隸澶州後復來屬天祐三年更曰武陽又以武陽幸河外地入鄆州

昌樂 望武德五年置貞觀十八年省繁水入焉

臨河 上武德二年隸黎州貞觀十七年省澶水縣入焉澶水本澶淵避高祖名更州廢隸相州天祐三年來屬

洹水 上本隸相州天祐三年來屬

成安 上本隸相州天祐二年更名斥丘三年來屬

屬

內黃 緊本隸相州武德四年析置繁陽縣隸黎州貞觀元年省天祐三年來屬

宗城 望本隸貝州武德四年以宗城經城及冀州之南宮斌疆置宗州析經城置府城縣九年州廢省府城入經城省斌疆入清河餘縣皆還故屬

天祐三年曰廣宗是歲來屬

永濟 上本隸貝州大曆七年田承嗣析魏州之臨清置天祐三年來屬

博州博平郡上武德四年以魏州之聊城武水堂邑高唐置土貢綾平絀戶五萬二千六百三十一口四十萬八千二百五十二縣六

聊城 緊武德四年析置莊平縣又析魏州之華

置華亭縣貞觀元年皆省天祐三年更曰聊邑又以聊邑博平高唐武水之河外地入鄆州東南有四口故關

博平 上武德二年析置靈泉縣四年省貞觀十

七年省博平入聊城天授二年復置

武水 上

清平 上武德四年置

堂邑 上

高唐 上長壽二年曰崇武神龍元年復故名

相州鄆郡望本魏郡天寶元年更名土貢紗絹隔布鳳翽席花口瓢知母胡粉戶十萬一千一百四十二口五十九萬一百九十六縣六 有昭義軍大曆元年置

安陽 緊武德四年省零泉縣五年省相縣入焉

西二十里有高平渠刺史李景引安陽水東流溉田入廣開成亨三年開

鄆 緊南五里有金鳳渠引天平渠下流溉田咸亨三年開有鐵

湯陰 上本蕩陰武德四年析安陽置蕩源縣隸

衛州六年來屬貞觀元年省更蕩陰曰湯陰

林慮 上武德二年以縣置巖州五年州廢來屬

有鐵有林慮山

堯城 上天祐三年更曰永定北四十五里有萬

金渠引漳水入故齊都領渠以溉田咸亨三年開

臨漳 上南有菊花渠自鄆引天平渠水溉田屈

曲經三十里又北三十里有利物渠自滏陽下入

成安并取天平渠水以溉田皆咸亨四年令李仁

綽開

衛州汲郡望本治衛貞觀元年徙治汲土貢綾絹綿

胡粉戶四萬八千五百六十二十八萬四千六百三

十縣五

汲 緊武德元年以汲新鄉置義州四年州廢以汲來屬新鄉隸殷州

衛 緊貞觀十七年省清淇縣入焉長安三年復

置清淇縣神龍元年又省御水有石堰一貞觀十七年築有蘇門山

共城 上武德元年以縣置共州并析置凡城縣

四年州廢省凡城以共城隸殷州六年省博望縣入焉有白鹿山

新鄉 望東北有故臨清關東南有故延津關

黎陽 上武德二年以縣置黎州尋沒實建德四

年建德平復以黎陽臨河內黃澶水魏州觀城頓

丘相州之蕩陰置是年以頓丘觀城還隸魏州蕩陰還隸相州貞觀十七年州廢省澶水以黎陽來

屬內黃臨河隸相州有白馬津一名黎陽關有大

岬山一名黎陽山有新河元和八年觀察使田弘

正及鄭滑節度使薛平開長十四里闊六十步深

丈有七尺決河注故道滑州遂無水患

貝州清河郡望本治清河武德六年徙治歷亭八年

復故治土貢絹氈履鞍氈戶十萬一十五口八十三

萬四千七百五十七縣八

清河 緊

清陽 緊武德四年析置夏津縣九年省

武城 上

經城 望西南四十里有張甲河神龍三年姜師

虔因故潰開

臨清 望大曆七年隸瀛州貞元末來屬

漳南 上

歷亭 上

夏津 上本鄆天寶元年更名

濱州 上武德四年析黎州之澶水魏州之頓丘觀城

置貞觀元年州廢縣還故屬大曆七年田承嗣表以

魏州之頓丘臨黃復置土貢角弓鳳翻席胡粉縣四

頓丘 望

清豐 上大曆七年析頓丘昌樂置以孝子張清

豐名

觀城 緊貞觀十七年省入昌樂臨黃大曆七年

復置

臨黃 緊東南有盧津關一名高陵津

邢州鉅鹿郡上本襄國郡天寶元年更名土貢絲布

磁器刀文石戶七萬一百八十九口三十八萬二千

七百九十八縣八

龍岡 上武德元年析龍岡內丘置青山縣開成

五年省入焉

沙河 上武德元年置溫州四年州廢來屬有鐵

南和 緊武德元年置和州四年州廢來屬

鉅鹿 上武德元年置起州并析置白起縣四年

州廢省白起以鉅鹿隸趙州貞觀元年來屬有大

陸澤有鹹泉煮而成鹽

平鄉 上武德元年置封州四年州廢來屬貞元

中刺史元誼徙漳水自州東二十里出至鉅鹿北

十里入故河

任 中武德四年置

堯山 上本柏仁武德元年置東龍州四年州廢

隸趙州五年來屬天寶元年更名

內丘 上武德四年隸趙州五年來屬有鐵

洺州廣平郡望本武安郡天寶元年更名土貢純綿

紬油衣戶九萬一千六百六十六口六十八萬三千

二百八十縣六

永年 望

平恩 上

臨洛 緊武德元年以臨洛武安肥鄉邯鄲置紫

州四年州廢縣皆隸磁州六年以臨洛肥鄉來屬

狗山有太宗故學討劉黑闥於此

雜澤 上武德四年置有普樂縣武德初置後陷

竇建德遂廢有漳洛南隄二沙河南隄一末微五

年築

肥鄉 上州又領清漳池水二縣會昌三年省清

漳入肥鄉池水入曲周

曲周 上武德四年置

惠州上本磁州武德元年以相州之滏陽臨水成安

置貞觀元年州廢滏陽成安還隸相州永泰元年昭

義節度使薛嵩表復以相州之滏陽洺州之邯鄲武

安置天祐三年以磁慈聲一更名土貢紗磁石縣四

滏陽 望

邯鄲 上貞觀元年隸洺州

武安 上武德六年隸洺州有錫

昭義 上本臨水武德六年省末泰元年復置更

名有鐵

鎮州常山郡大都督府本恆州恆山郡治石邑義寧

元年析隋高陽郡置武德四年徙治真定天寶元年

更郡名十五載曰平山尋復為恆山元和十五年避

穆宗名更土貢孔雀羅瓜子羅春羅粟戶五萬四千

六百三十三口三十四萬二千一百三十四縣十一

有恆陽軍開元中置

真定 望武德六年析置恆山縣貞觀元年省載

初元年曰中山神龍元年復故名

藥城 緊義寧元年置鉅鹿郡并析置柏肆新豐

宜安三縣武德元年曰廉州四年以趙州之鼓城

定州之母極冀州之鹿城隸之省柏肆新豐宜安

入藥城貞觀元年州廢以鹿城隸深州鼓城母極

隸定州藥城來屬天祐二年更曰藥平

石邑 緊

九門 上義寧元年置九門郡并析置新市信義

二縣武德元年曰觀州五年州廢省信義新市以

九門來屬

行唐 中武德四年置玉城縣五年省滋陽縣入

焉長壽二年曰章武神龍元年復故名大曆三年

以縣置汲州又以靈壽及定州之恆陽隸之九年

州廢縣還故屬

井陘 中義寧元年置井陘郡又析置葦澤縣武

德元年曰井州後又領鹿泉及房山蒲吾靈壽貞

觀元年省蒲吾入房山鹿泉葦澤入井陘十七年

州廢縣皆來屬有鐵有離隔山

平山 中本房山義寧元年置房山郡又置蒲吾

縣武德元年曰嶽州四年州廢縣皆隸井州天寶

十五載更名有鐵有白馬關有房山

獲鹿 中本鹿泉天寶十五載更名有故井陘關

一名土門關東北十里有大唐渠自平山至石邑